



Broj: 02/1-50-1-22-42/09

Dana, 9.9.2009.godine

Z A P I S N I K

sa 42. sjednice Ustavnopravne komisije Doma naroda Parlamentarne skupštine BiH održane 9.9.2009. godine.

Sjednica je održana 9.9.2009. godine sa početkom u 11 sati.

Sjednici su prisustvovali članovi Komisije:

1. Ivo Miro Jović,
2. Slobodan Šaraba,
3. Zoran Koprivica
4. dr Božo Ljubić
5. dr Hilmo Neimarlija,

Sjednici je prisustvovao i sekretar Komisije, dr. Zijad Hasić.

Sjednici nije iz opravdanih razloga prisustvovao Sulejman Tihić, član Ustavnopravne komisije.

Od gostiju, sjednici Komisije prisustvovali su: Vildana Bakšić, Pravni asistent iz OSCE Misije u Bosni i Hercegovini; Milenko Pandurević, u ime Vijeća ministara BiH ; Kristijan Haupt, direktor USAID PSP u BiH i Milana Popadić, pomoćnik ministra pravde u Ministarstvu pravde Bosne i Hercegovine.

Nakon kraće diskusije, na prijedlog predsjedavajućeg Komisije **Ive Mire Jovića**, članovi Komisije su usvojili slijedeći

D N E V N I R E D

1. Verificiranje Zapisnika 41. sjednice Komisije;
2. Realiziranje ranije donesenih zaključaka;
3. Prijedlog zakona o izmjenama i dopunama Zakona o nestalim osobama, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine (**član 96. Poslovnika - Predlagač zakona-delegat ili komisija Doma**);
4. Prijedlog zakona o izmjenama i dopunama Zakona o imunitetu Bosne i Hercegovine, predlagač: Vijeće ministara Bosne i Hercegovine; (**osnovni zakonodavni postupak: Postupak u nadležnoj komisiji čl. 102.-107. Poslovnika**);
5. Prijedlog zakona o izmjenama i dopunama Zakona o Pravobranilaštvu BiH, predlagač Vijeće ministara Bosne i Hercegovine; (**usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika**);
6. Prijedlog zakona o primjeni Rimskog statuta Međunarodnog krivičnog suda i saradnji sa Međunarodnim krivičnim sudom, predlagač Vijeće ministara Bosne i Hercegovine; (**usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika**);
7. Prijedlog zakona o slobodnim zonama u Bosni i Hercegovini, predlagač Vijeće ministara Bosne i Hercegovine; (**usaglašenost s Ustavom i pravnim sistemom: član 97. Poslovnika**);
8. Ostalo

Ad. 1. Verificiranje Zapisnika 41. sjednice Komisije

Ivo Miro Jović, predsjedavajući Komisije, predložio je diskusiju o ovoj tački Dnevnog reda.

Nije bilo diskusije o Zapisniku s 41. sjednice.

Nakon toga, Komisija je jednoglasno usvojila Zapisnik 41. sjednice.

Ad. 2. Realiziranje ranije donesenih zaključaka

U uvodu za ovu tačku dnevnog reda, **Ivo Miro Jović**, predsjedavajući Komisije, predložio je da, po običaju, sekretar Komisije, prezentira stanje zaključaka i njihove realizacije.

Sekretar Komisije, **dr Zijad Hasić**, upoznao je članove Komisije o stanju zaključaka, konstatirajući da je članovima Komisije dostavio pismeni pregled zaključaka i njihove dosadašnje realizacije.

U kraćem izlaganju, on je upoznao članove Ustavnopravne komisije o realizaciji, ističući da do održavanja ove sjednice nije bilo nikakvih aktivnosti u vezi zaključaka.

Nakon toga, članovi Ustavnopravne komisije Doma naroda Parlamentarne skupštine Bosne i Hercegovine, primili su na znanje prezentaciju zaključaka.

Ad. 3. Prijedlog zakona o izmjenama i dopunama Zakona o nestalim osobama, predlagач: Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine (**član 96.. Poslovnika - Predlagач zakona-delegat ili komisija Doma**)

U uvodu za ovu tačku dnevnog reda, **Ivo Miro Jović**, predsjedavajući Komisije, ukazao je na sljedeće:

Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine, kao predlagач, dostavila je, 28.8.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o nestalim osobama. Ustavnopravna komisija razmatra ovaj prijedlog zakona na osnovu člana 96. Poslovnika, a obaveza je da se očituje o usaglašenosti Prijedloga zakona s ustavom i pravnim sistemom Bosne i Hercegovine. Predložio je raspravu.

U kraćoj raspravi učestvovali su **Zoran Koprivica, Slobodan Šaraba** i predsjedavajući **Ivo Miro Jović**. **Sekretar Ustavnopravne komisije** ukazao je na određene leksičke i nomotehničke greške u Prijedlogu zakona.

Nakon provedene rasprave, Ustavnopravna komisija Doma naroda Parlamentarne skupštine Bosne i Hercegovine jednoglasno je utvrdila slijedeće:

1. Postoji ustavnopravni osnov za donošenje Zakona o izmjenama i dopunama Zakona o nestalim osobama;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ustavnopravna komisija je, cijeneći pravnu obradu teksta, uočila određene nomotehničke i jezičke nedostatke u Prijedlogu zakona, te predlaže Domu naroda da usvoji slijedeći zaključak:

Predlagач treba Prijedlog zakona o izmjenama i dopunama Zakona o nestalim osobama lektorisati i uskladiti s normama Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“, broj 11/05)

Ad 4. Prijedlog zakona o izmjenama i dopunama Zakona o imunitetu Bosne i Hercegovine, predlagач: Vijeće ministara Bosne i Hercegovine; (**osnovni zakonodavni postupak: Postupak u nadležnoj komisiji čl. 102.-107. Poslovnika**)

U vezi ove tačke dnevnog reda, **Ivo Miro Jović**, predsjedavajući Komisije, ukazao je na slijedeće:

Predlagач Vijeće ministara Bosne i Hercegovine dostavio je, 15.6.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o imunitetu Bosne i Hercegovine. Ustavnopravna komisija Doma naroda Parlamentarne skupštine BiH, na 40. sjednici, održanoj 15.7.2009. godine, razmatrala je Prijedlog zakona o izmjenama i dopunama Zakona o imunitetu Bosne i Hercegovine. Nakon provedene rasprave Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o izmjenama i dopunama Zakona o imunitetu Bosne i Hercegovine;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je, zatim, s tri glasa „za“ i jednim glasom „suzdržan“, podržala principe predloženog Zakona. Predložio je raspravu o Prijedlogu zakona.

Milana Popadić, pomoćnik ministra pravde Bosne i Hercegovine dala je kraći pregled aktivnosti na izradi ovog Prijedloga zakona. Inicijativa za izradu Prijedloga zakona potekla je od domova Parlamentarne skupštine BiH, koji su to tražili od Vijeća ministara Bosne i Hercegovine.

Nije bilo više diskusija o ovom prijedlogu zakona. Nakon toga, Ustavnopravna komisija Doma naroda Parlamentarne skupštine Bosne i Hercegovine, jednoglasno je utvrdila sljedeće:

1. jednoglasno je prihvatila tekst Prijedloga zakona o izmjenama i dopunama Zakona o imunitetu Bosne i Hercegovine,
2. konstatirala je da je Zakon neophodno donijeti i predlaže Domu naroda da usvoji Zakon;

Ad.5. Prijedlog zakona o izmjenama i dopunama Zakona o Pravobranilaštvu BiH, predlagatelj Vijeće ministara Bosne i Hercegovine; **(usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika)**

U uvodu za ovu tačku dnevnog reda, **Ivo Miro Jović**, predsjedavajući Komisije, ukazao je na sljedeće:

Vijeće ministara Bosne i Hercegovine, kao predlagatelj, dostavilo je 20.7.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o Pravobranilaštvu Bosne i Hercegovine, radi razmatranja i usvajanja.

Milana Popadić, pomoćnik ministra pravde Bosne i Hercegovine istakla je da je 2007. godine formirana radna grupa za izradu zakona. Zakon je trebao biti donesen 2008. godine, a donesen je 2009. godine. Najviše diskusija u vezi ovog prijedloga zakona bilo je o statusu pomoćnika u Pravobranilaštvu BiH.

Nakon toga, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila sljedeće:

1. Postoji ustavnopravni osnov za donošenje Zakona o izmjenama i dopunama Zakona o Pravobranilaštvu Bosne i Hercegovine;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ad.6. Prijedlog zakona o primjeni Rimskog statuta Međunarodnog krivičnog suda i saradnji sa Međunarodnim krivičnim sudom, predlagatelj Vijeće ministara Bosne i Hercegovine; **(usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika)**

U vezi ove tačke Dnevnog reda, Ivo Miro Jović, predsjedavajući Ustavnopravne komisije, istakao je sljedeće:

Vijeće ministara Bosne i Hercegovine, kao predlagatelj, dostavio je 27.7.2009. godine, Domu naroda Parlamentarne skupštine BiH Prijedlog zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom, radi razmatranja i usvajanja. Predložio je diskusiju o Prijedlogu zakona.

Milana Popadić, pomoćnik ministra pravde Bosne i Hercegovine istakla je da je Rimski statut objavljen 2002. godine, a obaveza je Bosne i Hercegovine da donese poseban zakon kojim će utvrditi obaveze državnih organa prema njegovim normama. Taj zakon je rađen u periodu 2007.-2008. godine, a on nikako ne narušava primjenu domaćeg zakonodavstva.

Nakon toga, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o primjeni Rimskog statuta Međunarodnog krivičnog suda i saradnji s Međunarodnim krivičnim sudom;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ad. 7. Prijedlog zakona o slobodnim zonama u Bosni i Hercegovini, predlaže Vijeće ministara Bosne i Hercegovine; **(usaglašenost s Ustavom i pravnim sistemom: član 97. Poslovnika);**

O ovoj tački Dnevnog reda uvod je dao **Ivo Miro Jović**, koji je istakao slijedeće:

Vijeće ministara Bosne i Hercegovine, kao predlaže, dostavio je 23.7.2009. godine, Domu naroda Parlamentarne skupštine BiH Prijedlog zakona o slobodnim zonama u Bosni i Hercegovini, radi razmatranja i usvajanja. Predložio je diskusiju o Prijedlogu zakona.

Milenko Pandurević, u ime Vijeća ministara BiH istakao je da je razlog donošenja ovog zakona usklađivanje ranijeg zakona s sadašnjom finansijskom politikom.

Nakon kraće rasprave, Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Postoji ustavnopravni osnov za donošenje Zakona o slobodnim zonama u Bosni i Hercegovini;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ad. 8. Ostalo

U vezi ove tačke, **Ivo Miro Jović** je konstatirao da nema prijavljenih predmeta, osim realizacije Orijentacionog plana rada Ustavnopravne komisije za 2009. godinu, te predložio zaključak, kojeg su članovi Ustavnopravne komisije prihvatili:

da se svi članovi Ustavnopravne komisije, pripreme za narednu sjednicu s idejama za aktivnosti Ustavnopravne komisije za naredni period, usklađenih s Orijentacionim radnim planom.

Nakon toga, Komisija je završila svoju sjednicu u 12,20 sati.

SEKRETAR USTAVNOPRAVNE

KOMISIJE

dr. Zijad Hasić

PREDSJEDAVAJUĆI USTAVNOPRAVNE

KOMISIJE

Ivo Miro Jović